

أساسيات الطريق إلى الله

الدرس (7) كيف أخشع في صلاتي ج1



م /علاء حامد فريق التفريغات

كيف أخشع في صلاتي؟

الحمد لله وأشهد أن لا إله إلا الله وحده لا شريك له وأشهد أن محمد عبده ورسوله صلى الله عليه وسلم أما بعد:

المرة الماضية تكلمنا عن الإنطلاقة الأساسية والرئيسية في الطريق إلى الله وهي انطلاقة عملية يعني والأركان في هذه السلسلة في البدايات منها الصدقة والمحاسبة والتوبة واليقين ،ولكنها كانت انطلاقات قلبية لا غنى عنها، يعني لا يصح للإنسان أن يبدأ بالبكن قبل القلب إذا أراد الإنسان أن يسير إلى الله فلابد أن ينطلق الأول بالقلب ثم بعد ذلك البدن تابع للقلب فتكون قوة حركة البدن في الطريق هي فرع عن قوة انطلاقة القلب الأصلية وكلها كانت الإنطلاقة أقوى من حيث الصدق واليقين والإخلاص والفقر والتوكل يكون أداء البدن تابع لتحركات القلب.

فقد كان أول انطلاقة بدنية لابد أن ينطلق بها العبد إلى الله سبحانه وتعالى هو أن يُحسن الصلاة عينها كها وكيفا – وكنا المرة السابقة تكلمنا عن الكم – يعني يجب على الإنسان إذا أراد أن يصل إلى الله أن يكون أول شيء يُصحِّحه هو الصلاة فأي بداية غير الصلاة تجعل الطريق يطول جدًا وهذا تم تفسيره المرة السابقة، فالبداية بالصلاة تختصر عليك حاجات كثيرة لأن الصلاة تنهى عن الفحشاء والمُنكر

"وَاسْتَعِينُوا بِالصَّبْرِ وَالصَّلاةِ وَإِنَّهَا لَكَبِيرَةٌ إِلَّا عَلَى الْخَاشِعِين "

فهي من جانب تُعين على غيرها ومن جانب تمحو ما مضى من الآثام و تُعين على ترك المُنكرات يعني الصلاة هتساعدك كثير أوي وهتختصر عليك حاجات كثير لكن ليس أي صلاة يعني كل الأحاديث اللي بتسمعوها في فضل الصلاة والآيات اللي في فضل الصلاة إنها هي في الصلاة التي يُريدها الله وليست الصلاة التي نُصليها للأسف.



لذلك ربنا جل شأنه ما قال صلوا إنها قال اقيموا الصلاة ،وهناك اختلاف كبير بين الصلاة وبين إقامة الصلاة أي حد ممكن يصليها أما إقامة الصلاة فهذا الأمر يحتاج إلى مجاهدة أن تُتم فيها الخشوع والركوع والأداء وحضور القلب وتمام الإمتثال والإقتداء بالنبي صلى الله عليه وسلم.

هذه هي إقامة الصلاة، وهذا أمرٌ آخر هي دي الصلاة التي واحدة منها قد تُغير حياتك فعلًا لذلك إحنا اتكلمنا المرة اللي فاتت عن أهمية الصلاة عمومًا إن أنت ينبغي أن تبدأ بالصلاة ،واتكلمنا على صلاة الفجر على اعتبار إن ده بيبقى فيه خلل كبير جدًا عند أي حد لسه بادئ الطريق.

في ملتزمين كثير اسمهم كده بس هُمَّ مبيصلوش الفجر وده يعني بينه وبين الله مفاوز يعنى بينك وبين ربنا مسافة ضخمة جدا إلي أن تصلي الفجر مهما فعلت لأن الصلاة إذا فسدت فسد سائر العمل وإذا لم تصلح لم يصلح شيء من العمل إذا كان سُوء الخُلق لو وضع على العمل الصالح يفسده كما يفسد الخل والعسل فكيف تفعل ترك الصلوات وهي أهم من كثير من الأعمال بل هي أهم عمل في الإسلام على الإطلاق وهي الرُكن الثاني من أركان الدين.

الفكرة إن إحنا أول حاجة يعني أنا دلوقتي بادئ طريق إلي الله في عبادات عاوز أعملها وفي مُنكرَات عايز أسيبها ابدأ بالصلاة بعد ما تحاسب نفسك و تبتدي تقول إن حياتك الأهم فالمهم فلازم تبدأ تصحح الصلاة خلاص. يعني أنا بدأت أجتهد وأصلي الخمس صلوات أقول لك هذه بداية الطريق أحسنت. إن لم تُصلي الخمس صلوات لن تجد نفعًا للصلاة حتى تؤديها الأداء التام الذي فيه كمال الخُشوع والتضرع والفقر إلى الله سبحانه وتعالى. يبقى ده موضوعنا النهارده إزاي أصلي صلاة تنفعني؟

طب ما كلنا بنصلي وفي ناس بقالها 100 سنة بتصلي في المسجد وتجد سلوكها هو هو وأخلاقها كذلك بيعامل الناس وحش بردو وبيكذب وبيسرق.





يبقى إذًا المشكله في جودة الصلاة نفسها الصلاة اللي هُم بيصلوها مش هي دي اللي ربنا قال عليها تنهى عن الفحشاء والمنكر يبقى إذًا من الأمور الأساسية إن أنا أُتقن أداء الصلاة (إن أنا أَحسِّن أدائي في الصلاة) ده شيء مهم

مش القضية إني أنا أهتم بعدد الصلوات إنها أهتم بجودة الصلاة الواحدة كيف أصليها

أنا ليه بقولك الموضوع ده لإن موضوع رهيب الموضوع ده مشروع حياتك يعني لو حياتك كلها صخَّرتها فقط لكي ثُحسِّن خشوع الصلاة هذا مشروع ناجح مثمر أنا عاوز أفهمك إن أنا مش بكلمك بس في صلاة خاشعة أنا بكلمك على حاجات كبيرة في الدين إن أنت تصلي صلاة خاشعة فده أمر كبير جدًا تعالى أقول لك يعني إيه صلاة خاشعة.

يعني النبي صلى الله عليهو سلم يقول

(ما من امرئ مسلم تحضره صلاة مكتوبة فيُحسن وضوءها ورُكوعها وخُشوعها إلا كانت كفارة لما قبلها من الذنوب ما لم تُأتى كبيرة وذلك الدهر كله)

يعني كل صلاة خاشعة بتصليها لو أتممت فعلًا الخشوع كما يُحب الله ويرضى فإنها تغفر كل الذنوب التي كانت قبلها وكل صلاة كذلك ما لم تُأتى كبيرة يعني نبدأ من الأول.

قال الرسول صلى الله عليه وسلم

لا يزال الله مقبلًا بوجهه على عبده في صلاته مالم يلتفت فإذا التفت انصرف عنه]

فيُفضل إنك ما تلتفتش في الصلاة طبعًا المقصود بالإلتفات هو إلتفات القلب يعني إن صرفت بقلبك عن الله في الصلاة فانصرف هو عنك سبحانه وهو العزيز إنت اللي



محتاجه مش هو اللي محتاجك فأنت انصر فت عنه مع حاجتك إليه فانصر ف عنك وهو غني عنك أصلًا هو أكرمك عندما أقبل بوجهه عليك.

تعالى نتخيل العكس عبد لا ينصرف أبدًا خلال الصلاة عن الله هذا معناه أن الله أقبل عليه بوجهه طول الصلاة. فحدثني عن عبد أقبل الله عليه بوجهه طول الصلاة كيف يكون حاله بعد الصلاة وكيف تكون ذنوبه الآن حدثني عن التوفيق والسعادة وراحة البال إذا كان الله مُقبل بوجهه على عبد طول الصلاة إذا نظر للمُحب نظرة ووجهه يُنير فكيف الحال إذا أقبل عليه طوال الصلاة.

هذه النظرة تختلف عن نظرته للناس لأن ربنا يرى الجميع، ولكن هذه نظرة غير النظرة وإقبال غير النظرة وإقبال غير الإطلاع عير الإطلاع .

لذلك قيل للحسن البصري ما بالنا نرى المتهجدين أحسن الناس وجوهًا وشه منور كده يعني اللي بيصلي بالليل بيتعرف وبيعرفه أهل الإيهان قال لأنهم خلوا للرحمن فألبسه نورًا من نوره.

حديث ثالث عثمان رضي الله عنه كان قاعد وسط ناس المهم قام وجه يتوضأ فحب يعلمهم الوضوء توضأ وضوء يعنى فبعد ماخلص الوضوء.

قال: لقد توضأتُ لكم كما تعلمتُ من النبي صلى الله عليه وسلم وقال لقد توضأ رسول الله صلى الله عليه وسلم نحو وضوئي هذا ثم قال لنا من توضأ نحو وضوئي هذا ثم صلى ركعتين لا يُحدث فيهما نفسه غفر الله له ما تقدم من ذنبه.

إذا إنت تفهم إن قضية الخشوع في الصلاة تبدأ بالوضوء من أول لحظة تبدأ فيها تتوضأ هنا بدأت الصلاة الخاشعة إذا أحسنت الوضوء أحسنت الصلاة وده هنتكلم عليه بالتفصيل لكن أنا عاوز أقول لك يعني إيه تتوضأ وضوء كما كان النبي صلى الله عليه وسلم يتوضأ بالضبط ولكن بعدها تُصلي صلاة لا تُحدث فيها نفسك وهذا أمر صعب



للغاية مش عاوز أصعب عليك لكن فعلا هو مش سهل لذلك عُلِق عليه أجر ضخم جدًا لأنه ليس بالموضوع الهين إنك تصلي صلاة ما تسرح فيها خالص ليس بالأمر السهل ولكنه مقدور عليه وإلا * لا يكلف الله نفسا إلا وسعها*

طالما إن الرسول صلى الله عليه وسلم حثنا على هذا الفعل يبقى هو ممكن يحصل لكن السلف كان هو العادي بتاعهم كده إحنا بنتكلم علينا إحنا لذلك (كان بعض السلف إذا دخل في الصلاة كانت امرأة تقول كان زوجي إذا دخل في الصلاة لعبنا وإذا خرج من الصلاة سكتنا) لإنه مش حاسس بأي حاجة.

(عروه ابن الزبير لما أصيب بالغرغرينا في قدمه فقال له الطبيب ليس هناك حل إلا أن نقطع الرِجل فقال اقطعها فقال الطبيب نُعطيك شيئًا عشان ما تحسش بالألم قال: ماذا يفعل هذا الشيء قال يُذهب عقلك قال: يذهب عقلي قال لا والله لا أخذ شيء يُذهب عقلي قال: الطبيب ما الحل قال: عروه دعوني أصلي فإذا دَخَلْتُ في الصلاة فافعلوا ما شئتم، وبالفعل دخل في الصلاة، وبدأ الطبيب يقطع في الرجل فلما قُطعت وقع عروه مغشيًا عليه)

لكن أنا بقول لك إن في ناس بتوصل في الخشوع لدرجة عالية للغاية حتى بيبتدي إنه ما يحسش باللي حواليه زي الناس اللي بتدمن الموسيقى والحاجات دي طبعًا الصلاة أقوى بكثير ولكن هو ممكن يعيش مع الحاجات دي الموسيقى وإنت تدخل تتكلم وتدخل وتطلع عليه الأوضه يقول لك إنتم كنتم فين إنتم كنتم بتعملوا إيه أصل أنا ما حستش بأي حاجة إذا كان ده حال اللي بيسمع موسيقى بس فكيف الحال لأهل الصلاة يعني وارد إن الإنسان يُصلى صلاة لا يُحدث فيها نفسه ده مشروع حياة يعني ممكن طول حياتك بتتمرن عشان اليوم دا عشان تطلع في كل سنة بصلاة زي دي التي تغفر لك كل ذنوبك التي مضت يعني كلها وبعد كده تجتهد إنك تعمل واحدة ثانية ويمكن بعد تمارين طويلة يبتدي الموضوع ده يضيق بدل ما بتعمل الصلاة دي مره كل سنة أو

نصف السنة كل شهر مرة مفيش مشكلة.. الموضوع يستحق غُفر له ماتقدم من ذنبه يستحق تجتهد فيه "وَالَّذِينَ جَاهَدُوا فِينَا لَنَهْدِيَنَّهُمْ سُبُلَنَا "

طول ما إنت بتجتهد و بتسعى هتصل بإذن الله إلى هذه الرُكَيعات العظيمة قال النبي صلى الله عليه وسلم: في حديث ذكر فيه فضائل الوضوء هو حديث طويل يعني بعد كده كالة الحديث (قال فإذا هو قام فصلي فحمد الله وأثنى عليه ومجدّه بالذي هو له أهل وفرّغ قلبه لله إلا انصرف من صلاته إلا انصرف من خطيئته كهيئته يوم ولدته أمه يعني لا ينصرف من هذه الصلاة إلا كما ولدته أمه يعني لا ينصر ف من هذه الصلاة إلا كما ولدته أمه يعني المنابع ولدته أمه يعني المنابع

الحديث الخامس عن عقبة بن عامر قال عليه الصلاة والسلام (ما من مسلم يتوضأ فيحسن وضوءه ثم يقوم فيصلي ركعتين مقبل عليها بقلبه ووجهه إلا إذا وجبت له الجنة).

الحديث السادس عن عبادة بن الصامت قال النبي صلى الله عليه وسلم: (خمس صلوات افترضهن الله علي العباد من أحسن وضوئهن وصلاتهن لوقتهن وأتم ركوعهن و خشوعهن كان له على الله عهد أن يغفر له ومن لم يفعل فليس له على الله عهد إن شاء عذّبه وإن شاء غفر له)

أنا بأخذ أمان يعني لو صليت بخشوع يبقى أنا عندي عهد من الله أن يغفر لي معنى أنه يغفرلك إن فيه ذنوب يبقى إذًا لو الصلاة دي اتصلحت وفي حاجات ثانية بايظة يعني الصلاة دي هتضبط كل شيء كل حاجة هتتصلح كل شيء هيتصحح يوم القيامة طبعًا المُفترض يعني لو الصلاة دي كانت تمام كانت ضبطت الأمور في الدنيا يعني لو واحد صلى صلاة خاشعة زي دي. هي دي الصلاة تنهى عن الفحشاء والمنكر لا يسلم أحد من الذنوب يعنى مفيش واحد هبيقى معصوم مثلًا مها صلى صلاة

لكن لا يَسلم أحد من الذنوب يعني مفيش واحد هيبقى معصوم مثلًا مهما صلى صلاة زي دي هيظل عنده ذنوب هي دي



اللي موعود تُغفر ليه كل الذنوب دي إذا أتم الخشوع والركوع الموضوع يستحق احنا بنتكلم في، غُفران ما تقدم من الذنوب، أن تطلع من الصلاة ك يوم ولدتك أمك، أن تخرج منها وليس لديك خطيئة، أن يكون لك عهد عند الله أن يغفر لك يوم القيامة) أضف إلي كل ذلك قوله تعالي "قَدْ أَفْلَحَ اللهُ مِنُونَ (1) الَّذِينَ هُمْ فِي صَلَاتِهمْ خَاشِعُونَ (2)" هذا أول وصف لهم وعلق الفلاح على الخشوع في الصلاة فلا فلاح من مؤمن ما لم يخشع في الصلاة يعني بتعمل كل حاجة كويسة بس لسه معندكش حتة الخشوع في الصلاة يبقى لسه ما وصلتش للفلاح ، يعني الشرط الأول للفلاح مش موجود.

قال: جل في عُلاه طيب اللي هيخشع ده هيحصل إيه يعني أول حاجة الأجر ضخم جدا ثاني حاجة بالنسبة للذنوب كلها هتتغفر قال تعالى "إنَّ المُسْلِمِينَ وَالمُسْلِمِينَ وَالمُسْلِمِينَ وَالمُسْلِمِينَ وَالمُسْلِمِينَ وَالمُسْلِمِينَ وَالمُسْلِمِينَ وَالمُسْلِمِينَ وَالْقَانِتِينَ وَالْقَانِتِينَ وَالْقَانِتِينَ وَالْقَانِتِينَ وَالصَّابِرِينَ وَالصَّابِرِينَ وَالصَّابِرِينَ وَالصَّابِرِينَ وَالصَّابِرِينَ وَالصَّابِرَاتِ وَالْقَانِمِينَ وَالْقَانِتِينَ وَالْمَسَدِّقِينَ وَالْمَسَائِمِينَ وَالصَّائِمِينَ وَالصَّائِمِينَ وَالْمَسْلِمِينَ وَالْمَسْلِمِينَ وَالْمَسْلِمِينَ وَالْمَسْلِمِينَ وَالْمَسْلِمِينَ وَالْمُسْلِمِينَ وَالْمُسْلِمِينَ وَالْمُسْلِمِينَ وَالْمَسْلِمِينَ وَالْمُسْلِمِينَ وَالْمَسْلِمِينَ وَالْمَسْلِمِينَ وَالْمُسْلِمِينَ وَالْمُسْلِمِينَ وَالْمَسْلِمِينَ وَالْمُسْلِمِينَ وَالْمُسْلِمِينَ وَالْمُسْلِمِينَ وَالْمُسْلِمِينَ وَالْمُسْلِمِينَ وَالْمُسْلِمِينَ وَالْمُسْلِمِينَ وَالْمَسْلِمِينَ وَالْمُسْلِمِينَ وَالْمُسُلِمِينَ وَالْمُسْلِمِينَ وَالْمُسْلِمِينِ وَالْمُسْلِمِينَ وَالْمُسْلِمِينَ وَالْمُسْلِمِينَ وَالْمُسْلِمِينِ وَالْمُسْلِمِينَ وَا

يبقى أنا بتكلم في موضوع كبير النهاردة هدفه وجُعلت قرت عيني لي في الصلاة أنا عاوز أحب الصلاة ومش ممكن تحب الصلاة طول ما إنت بتتعامل معاها التعامل ده. مش هتحس بحبها إلا لما ترى الثمرة بتاعتها ومش هترى الثمرة إلا لو خشعت فيها. ساعتها فعلًا هتبقى بتجري عاوز تصلي هتفرغ إلي الصلاة زي ما النبي صلى الله عليه وسلم: كان بيعمل هتلاقي نفسك فعلًا بتضايق لما الصلاة تخلص مبتزهقش لما الصلاة تطول متتعبش من الصلاة بقت خفيفة.

دايمًا أي عبادة لما بتتأدي صح بتبقى خفيفة. لما تحس إن العبادة ثقيلة المشكلة مش في العبادة المشكلة في أداءك للعبادة.



لو إنت بتأديها صح كانت بقت خفيفة عليك ؛ لذلك موسى عليه السلام في قصته لما ذهب للقاء الخضر قال: (فَلَمَّ) جَاوَزَا قَالَ لِفَتَاهُ آتِنَا غَدَاءَنَا لَقَدْ لَقَدْ فَي قصته لما ذهب للقاء الخضر قال: (فَلَمَّ) جَاوَزَا هو كان المفروض كيي عند مجمع البحرين و يقابل الخضر فلما وصل مجمع البحرين مكنش حاسس بتعب خالص أول لما عدى مجمع البحرين ربنا ابتلاه بالتعب رغم إن المسافة اللي قطعها بعد مجمع البحرين صغيرة جدًا مقارنة باللي قطعها عشان يوصل لمجمع البحرين. لكن دي كانت على غير مُراد الله المسافة الأولى كانت على مُراد الله المسافة الأولى كانت على مُراد الله المسافة الأولى كانت على مُراد الله المسافة الأولى كانت

فلها كان موسى يسير على مُراد الله لم يشعر بأي تعب ولما تجاوز وبدأ يسير على غير مُراد الله تعالى تعب وكان التعب ده تنبيه له إن إنت ماشي غلط فوقف (فَلَمَّا جَاوَزَا قَالَ لِفَتَاهُ الله تعالى تعب وكان التعب ده تنبيه له إن إنت ماشي غلط فوقف (فَلَمَّا جَاوَزَا قَالَ لِفَتَاهُ وَنِنَا غَدَاءَنَا لَقَدْ لَقِينَا مِن سَفَرِنَا هُذَا نَصَبًا) فأفتكر بقى صاحبنا قاله موضوع السمكة وإنه نسي يقول له فأي إنسان يحس بتعب من عبادة يعرف من ربنا إن دي إشارة إنت ماشي علط لو كنت ماشي صح مكنتش هتتعب ، لا بتزهق من الصلاة – لا بتتعب من صيام – لاتمل من طول خشوع أو طول سجود أو ركوع ؛ لذلك لا تتعجب أبدًا من آثار السلف اللي كان بيصلي بالقرآن كله بنصف القرآن وربع القرآن ونقول إنهم من كوكب مُختلف لأهي الصلاة مختلفة يعني متقارنش.

هي صلاتك دي متستحملش تقرأ جزئين على بعض حتى لأن صلاة ملهاش طعم لكن هما كانوا بيشعروا بلذة الصلاة أرحنا بها يا بلال حتى مش عاوز يطلع، لذلك كان بعض السلف يقول أنا منذ أربعين سنة ما أزعجني إلا (أذان الفجر) لأن آذان الفجر هنا معناه انتهاء قيام الليل. هو بيصلي أصلًا فأول ما بيسمع آذان الفجر بيتضايق فخلاص الصلاة هتخلص هيطلع منها.

قال محمد بن المنكدر: جاهدت نفسي على قيام الليل سنة واستمتعت به عشرين سنة .



تخيل بقى إنت ايه آخر صلاة طلعت بها مستمتع ؟ بيقولك ياشيخ مرة كده من أربع خمس سنين أستمتعت تخيل إنت كل أربع سنين تفتكر صلاة التهجد اللي فات الناس كلها عيطت فأنا عيطت معاهم بس مكنتش فاهم حاجة شكلها هي الصلاة دي اللي خشعت فيها هو ما خشعش ولا حاجة هو كان بس المود مود خشوع بس هو كان سرحان طول الصلاة.

يعني بتفتكر الصلاة اللي خشعت فيها بالسنة كده ويمكن كمان بتضحك على نفسك خشعت يعني قلبك اتهز شوية مش هي الصلاة الممتعة فعلا من أولها لآخرها متبقاش عاوز تطلع منها ؛ يبقى أنا عاوز أحقق الهدف ده ارحنا بها يا بلال جعلت قرت عيني في الصلاة، مشروع لمشروع حياة ، مشروع غفران ذنوب ، مشروع الفردوس الأعلى ، مشروع صلاح قلبك إنت ؛ لأن الصلاة المفروض تصلح القلب ، مشروع صلاح أهلك وأولادك ؛ لأن صلاتك تؤثر على أهلك وعلى أولادك فكُلما كنت انقى واتقى في الصلاة كان له ذلك أثر بالغ على أولادك .

• مالك ابن دينار رأى رجل يُسرع في الصلاة فكان فيه معاه واحد فقال: ما أرحمني بعياله يعني قد إيه أنا مشفق على عياله فقال: مالك ومال عياله! هو رجل يُسيء في الصلاة

فقال: هذا كبيرهم ومنه يتعلمون يعني هو يجني على أولاده بهذه الصلاة فإن رأى الأولاد يصلي أبوهم هذه الصلاة هذه جناية هذه جريمة في حق الأولاد أن يكون القدوة يصلي بهذه الطريقة فينبغي للإنسان أن يستحي أن يكون قدوة لأخوه الصغير أو أولاده و يصلي هذه الصلاة أمامهم لأن طبيعي التابع أقل من الأصلي فلما إنت هتصلي كده أمال أولادك هيصلوا إزاي ؟؟ متزعلش بقى لما يطلعوا عاقيين و صلاتهم ماتنفعهمش ثم إن الصلاة سبب لحفظ الأولاد الذرية والأموال وهذا الكلام مشهور يعني ثم إننا بنتكلم مش بس في صلاح عيلتك لأ صلاح الأمة كلها ؛ فإننا نرجو من

صلاة خاشعة أن تنصلح الأمة. دعوة صادقة من شخص فعلًا صلاته دي كان فعلًا فيها قريب من ربنا جدًا فدعا بدعوة غيرت وجه الأرض ؟

لذلك مسلم بن قتيبة قال: كان دايمًا في كل حرب بيطمن هو محمد بن واسع موجود ولا لأ فلو موجود يقول للجنود ماذا يفعل محمد بن واسع. فقالوا: رأيناه رافعًا سبابته إلى السماء

فقال: الحمدلله إن إصبع محمد هذا الذي يشير به إلى السماء أحب إلي من ألف فارس طب لو الأمة فيها ألف فارس *بيدعي يعني * هو ده الفعل اللي أفضل من ألف فارس طب لو الأمة فيها عشرة أو عشرين مية كده زي الراجل ده ؟ الدنيا هتتغير لكن إحنا بنقعد ندعي و لانجد أثر لأن الدعاء نفسه فيه خلل في الصلاة نفسها يبقى أنا بكلمك في مشروع حياة مشروع حيات مشروع حياتك مشروع حياة أسرتك مشروع أمتك بالكامل.

فخلينا النهاردة نقول اللي نقدر عليه في الباب ده هبدأ الأول بشوية نصائح عامة وبعد كده ندخل في الصلاة نفسها معاني الصلاة: هنقول نصائح قبل الصلاة خالص قبل ما نتوضأ حتى:

إن إنت لايمكن أن تجتمع الصلاة مع السرعة

• موضوع السرعة ده مُدمر لكل حاجة طالما فيه سرعة يبقى خلاص الكلام مالهوش لازمة يبقى لابد من التأني الشديد و الطُمأنينة الشديدة ارجع فصلي فإنك لم تصل ؛ فالهرولة في الصلاة لا يُمكن أن تتم به صلاة خاشعة على الإطلاق إنها الإنسان يسعى لصلاة وهو مُنفرد أن تكون بطيئة .. على فكرة إحنا العكس إحنا لما بنصلي في الجهاعة بنطول أما لما بنصلي لوحدنا بنكروت فده من الخلل لأن الأصل صلاة الجهاعة فيها التخفيف ماتقوليش بقى نخفف من صلاة الجهاعة لأهي كده أصلا خفيفة لكن اللي إنت بتعمله لوحدك ده مش صلاة أصلًا مش خفيفة أصلًا دي مش موجودة اللي إنت بتعمله لوحدك ده مش صلاة أصلًا مش خفيفة أصلًا دي مش موجودة


الأصل بقى في الصلاة مُنفرد بطول فيها أما في الجماعة بخفف على نفسي فكان الرسول صلى الله عليه وسلم: لما يأم الناس كان بيخفف ليه، لأن صلاتهم الطبيعية مع نفسهم أصلًا طويلة فلما كان يخش يصلي بحد كان يصلي العادي بتاعه بقى فيجيب البقرة وآل عمران وهكذا لكن إحنا فاهمين غلط

بتقولي أيوة يا عم من أم الناس فليُخفف في الجماعة أيوا تخفف للصحابة اللي كان العادي بتاعهم يقرأوا سورة البقرة وآل عمران فكان ممكن يدخل الصلاة يجيب سورة الحشر كلها عادي الأصل لما بصلي مساويش بين صلاة العشاء اللي المفروض تكون أقصر من صلاة النوافل بتاعتك إنت بتصلي قيام ليل أو ركعتين بتبقى براحتك مع نفسك عيش بقى مفيش حد عاوزك فأول نصيحة طُمأنينة وتأني لو ماتحققوش يبقى كل اللي (بقوله) ده مالهوش لازمة

في حالة الصلاة ينبغي إن إنت تبكر

• يعني عاوز قلبك يخشع إزاي وإنت داخل المسجد على الركعة الثانية وإنت جاي بتجري في الشارع و داخل المسجد بتنهج و عاوز تلحق الركوع على ما إنت تفوق وتصحى يبقى خلاص الصلاة خلصت عاوز تلحق بقى يبقى لازم تيجي بدري تخش كده الصلاة مستريح متوضي كويس لابس كويس ماشي في الشارع بالراحة تَذْكُر ربنا .. دخلت المسجد قلت الأذكار براحتك ودخلت متطمن وصليت الركعتين وقعدت تدعي شوية بين الآذان والإقامة عاوزك بقى تقارن إن إنت دخلت في الركعة الثانية وبين إن إنت دخلت قبل الإقامة كده بعشر ولا خمس دقائق وعملت كل اللي ذكرناه وقمت بقى للصلاة هتبقى صلاة ثانية خالص مالهاش أي علاقة بالصلاة اللي أنت بتصليها قلبك حاضر الشيطان انصرف عنك من زمان مشاغلك هديت طبعًا غير إنك بتصليها قلبك حاضر الشيطان انصرف عنك من زمان مشاغلك هديت طبعًا غير إنك





فرغ قلبك من المشاغل

قلنا المشاغل قبل الصلاة نوعين:

النوع الأول ممكن يخلص قبل الصلاة إنت في إيدك حاجة وعارف معاد الصلاة وإنت عارف ألم المكان عارف ألم المكان المالة على المالة على المالة على المالة الم


النوع الثاني مشاغل ما بتخلصش يعني مش هيخلص قبل الصلاة طب إيه لازمته تفكر فيها في الصلاة يعني التفكير فيها مش هيخلصه ، يبقى التفكير في المشاغل اللي كان ممكن تخلص ده تقصير منك كنت المفروض خلصتها أما التفكير في المشاغل اللي مابتخلصش مالوش معنى .

ومن ذلك لابد من ذكر الموت قبل الصلاة

• يعني صلى صلاة المحكوم عليه بالإعدام عمرك ما هتسرح ده هيبقى الخشوع كله والبكاء كله والقرآن كله هتجيبه في الركعتين دول أنا عايزك بقى تعيش الركعتين دول كل صلاة تدخلها تعتقد إنك لن تخرج من الصلاة وإن إنت هتسجد مش هتقوم قال الرسول صلى الله عليه وسلم إذا ذكر الرجل الموت في صلاته فإنه حليم على أن يُحسن صلاته فصل صلاة مُودِّع * كها قال الرسول.



تحرص تعلم إزاي الرسول صلى الله عليه وسلم (كان) يصلي إزاي



أن تعتاد إنك تغير في الأدعية و السور

- وده من أهم النصائح لأن التكرار يؤدي إلى السرحان
- لازم تغير خلي مجموعة سور السبت غير الحد غير الاثنين وهكذا.
 - لازم تبقى على الأقل حافظ جزء عم بس عشان تبتدي تنوع
 - لازم تحفظ أدعية جديدة عشان تغير. لازم تتعب شوية.
 - -يستحسن إنك تختار سور إنت فاهمها أصلا.

لا تدخل الصلاة وأنت جائع

• خاصة إذا حضر الطعام طب لو جائع و مفيش أكل يبقى هتدخل تصلي لكن لو الأكل موجود الأكل الأول العشاء قبل العشاء لكن لا تتحايل يعني متجيش بعد الآذان وتقول يا ماما حطي العشا الله يكرمك لا تحتال على الله.



لاتُصلِ وانت حاقن

• مزنوق يعني عاوز تدخل الحمام لا أدخل الحمام الأول. لا صلاة إذا حضر الطعام ولا هو يُدافع الأخبثين. الأخبثين: البول والغائط.

اختار الأوقات المناسبة والأماكن المناسبة

- يعني في المسجد اختار المسجد الي إنت حاسس إنهم بيقيموا السنه يعني مفيش بدع وهكذا.
- المسجد اللي انت شايف شيخه قراءته حلوة يعني اللي فيه عنده صِدق وعنده خشوع وعنده إخلاص.
 - يعني صلي في المسجد اللي بتحس فيه بالخشوع.
 - وياريت الصُحبة كهان اللي بتساعدك اللي بيدوك أذكار.
 - واللي فيه شيخ بيحفظك.
- أما في البيت اختار المكان اللي فيه خشوع متجيش في الطرقة مثلًا تصلي إعملك رُكن كده تصلى فيه.
- -اختيار الوقت. طبعًا مفيش اختيار وقت في الصلوات إلا إذا مثلًا في صلاة قيام الليل طبعًا يعني أنت ممكن تقوم آخر الليل تصلي قيام وممكن عشان تضمن القيام تصليه بعد العشاء وصلي الوتر وسيب ركعتين أو أربع ركعات يُقاموا في الليل لحد ما الدنيا تمشي معاك ويبتدي إنك تقوم للقيام بالليل يبقى سهل عليك.

النصيحة الأخيرة : لا تيأس

• هتقعد تحاول بيقولك محمد بن المنكدر قال جاهدت نفسي علي قيام الليل سنة رغم أنه من السلف يعني محمد بن المنكدر اللي هو كان إذا رآه الرجل كره نفسه .ده قدوة كبيرة جدا كان الناس ممكن تنظر إلى وجهه فتتوب ده قعد سنة عشان وصل عادي جدا الموضوع ده مشروع حياة ممكن ربنا يكرمك في شهر يكرمك في سنة انت وظروفك لكن لا تيأس!!!! مفيش يأس مع الله سبحانه وتعالي "وَالَّذِينَ جَاهَدُوا فِينَا لَنَهْدِيَنَّهُمْ سُبُلَنَا أَ وَإِنَّ اللهِ لَمَعَ الله سبحانه وتعالي "وَالَّذِينَ جَاهَدُوا فِينَا لَنَهْدِيَنَّهُمْ سُبُلَنَا أَ وَإِنَّ الله لَمَعَ الله سبحانه وتعالي "وَالَّذِينَ جَاهَدُوا فِينَا لَنَهْدِيَنَّهُمْ سُبُلَنَا أَ وَإِنَّ الله لَمَ

دي كانت نصائح تساعدك في الإقبال فكما إنك لا يجوز أن تصرف وجهك عن القبلة فكذلك لا يجوز أن تصرف وجهك عن القبلة فكذلك لا يجوز أن تصرف قلبك عن الله فكما توجهت بوجهك إلى الكعبة فينبغي أن تتوجه بقلبك إلى الله .

الكوب المملوء لا يقبل المزيد

فرِّغ قلبك من المشاغل: أعباء الرزق / أعباء المذاكرة وغيرها... و ادخل بقلب فارغ لأنه لن يمتلئ إلا إذا كان فارغاً يقول على حسب إقبالك على صلاتك يكون إقبال الله عليك زيادة و نقصان وإذا أعرضت أعْرَض الله عنك وكها تدين تُدان.

بعد كده زي ماقلنا الموضوع بيبدأ بالوضوء المفتاح هو الوضوء ده لوحده دنيا اللي بيتوضأ فأحسن الوضوء ده بيبقى في كوكب ثاني النبي صلى الله عليه وسلم قال:




من توضأ فغسل وجهه خرجت كل خطيئة اقترفتها عيناه مع آخر قطرة من الماء ؛فإذا غسل يديه خرجت ذنوبه التي بطشتها يده مع آخر قطرة من الماء ؛ فإذا غسل رجله غُفر له كل خطيئة مشت إليها رجله مع آخر قطرة من الماء حتى يخرج من الوضوء كما ولدته أمه

يعني النبي صلى الله عليه وسلم: بيقول أنه الوضوء لوحده ممكن تطلع منه مغفور لك ذنوبك قبل أن تبدأ الصلاة ده الوضوء بس مش أي وضوء يعني مفيش كروتة بقى يعني تتأمل قطرة الماء بتبقي نازلة بتأخذ ذنوب وهي نازلة هتبقى مبسوط جدًا حاسس إن الوضوء مش عاوز يخلص انوي في الوضوء إنك يتغفرلك كل سيئاتك لو نويت كده تخيل وضوءك هيبقى عامل إزاي. قال صلى الله عليه وسلم:

ألا أدلكم على ما يمحي الله به خطايا ويرفع له الدرجات. قالوا بلى. قال المكاره

يعني إنت بتتوضأ وإنت كاره بس بتتوضأ إرضاءاً لله الماية ساقعة أوي أو سُخنة اوي ومفيش حل لازم اتوضأ يعني ظروف زي دي المفروض الإنسان يبقى فرحان جدًا. بس مش هتعمد بقى يعني مجيش وأقوم قافل السخان فالماية تكون ساقعة الرسول قال ما خُيِّر بين أمرين يختار أيسرهما يعني ماتعذبش نفسك.

الوضوء له معنى يا إخوانا المعنى إن إنت أصلًا عشان تخش على ربنا عشان يليق إنك تلقى الملك لازم تُكون متطهر من الأوساخ الظاهرة بالوضوء، والأوساخ الباطنة من أثر الوضوء "و وَثِيَابَكَ فَطَهِرْ " دي طهارة ظاهر "وَالرُّجْزَ فَاهْجُرْ " دي طهارة باطنة . إنك إنت تستحضر الوضوء ده توبة لذلك قال الله تعالى "إنَّ الله يُحِبُّ التَّوَّابِينَ وَيُحِبُّ




بهذه الطهارة أُذن لك أن تُصلي أن تُقابل المولى عز وجل لذلك سنة لك إن أنت لما تتوضأ تصلي على طول ليه عشان تلحق نفسك وانت نظيف كده حتى لو مفيش أي صلاة صلي ركعتين. الركعتين دول جامدين لذلك اعتبرَهم بلال أرجى عمل في الإسلام ؛ لأنه يعتبر الركعتين دول أقوى ركعتين لأني بأدخلهم بعد الوضوء علطول، فقال يا بلال أخبرني عن أرجى عمل في الإسلام قال بلال: ما أحدثت في ليلة أو نهار إلا توضأت من هذا الحدث، وما توضأت في ليل أو نهار إلا صليت ما شاء الله في أن أصلي . لذلك يُفضل إنك حتى لو متوضي وجت صلاة تتوضأ قبلها

أما بالنسبة بقى للأعضاء يعني ليه بنغسل الإيد والوش وكده يعني تجد أن الأعضاء دي هيا أكثر الأعضاء معاصي أكثر الأعضاء اللي بتتسخ بالفعل أسهل الأعضاء في الوصول إليها.

كان علي بن الحسين إذا توضأ اصفر وجهه فيقولون مالك ماالذي يعتليك بعد الوضوء؟ قال: أتدرون بين يدي من أريد أن أقوم؟. هو يتوضأ وهو يفكر في الصلاة يعني كان وشه بيصفر بس لما يتوضأ أمال لما يجي يصلي بقي ؟!. بجد تجد التأمل إن لما ربنا أشار عليك خمس صلوات في اليوم تستشعر إن إنت في الصلاة دي عبد آبق إلى مولاه إن انت بين الصلاتين هربت من سيدك من طاعته من أمره عصيته أغضبته بعد كده شار عليك إنك ترجعله وقالك هترجعله إزاي





تحترقون تحترقون فإذا صليتم الصبح غسلتها ثم تحترقون تحترقون فإذا صليتم العصر صليتم الظهر غسلتها قال: ثم تحترقون تحترقون فإذا صليتم العصر غسلتها قال ثم تحترقون فإذا صليتم المغرب غسلتها قال: ثم تحترقون فإذا صليتم العشاء غسلتها قال: ثم تنامون فلا يكتب عليك حتى تستيقظ

بعد ذلك لما تيجي وتتوجه إلى القبلة تذكر أن تُوجه قبلة قلبك إلى الله سبحانه وتعالى. بعد ذلك كُن بين يدي الله وارفع يديك بالتكبير واستشعر معنى التكبير أنت ترفع يدك عن التكبير تشعر كهيئة المستسلم إنت كده سلمت نفسك ثم إنك تبدأ ترفع يدك تشعر إنك تطرح كل شيء خلف ظهرك ثم تنكس رأسك وتشعر أنك مُقصر مُذنب مُستحي..

أنت أكرمتني وجعلتني أقف بين يديك مرة أخرى فتنظر بقلبك إلى موضع السجود خاشع القلب مطرق الطرف إياك أن تلتفت بعينيك في الصلاة فهذا الاختلاس (يختلسه) الشيطان من صلاة العبد. يا غارقون في سكرة الشهوة وخمر الغفلة لا تقربوا الصلاة و أنتم سُكارى حتي تعلموا ماتقولون. فإياك أن تكون سكران في الصلاة بدون خمر ليس معنى أنك أقبلت إلى الصلاة أنك مع الله حتى يكون قلبك معه حتى يمتلئ قلبك بتكبير الله يعني لها مغزى أن الله أكبر.

التكبير ده الناس فيه على ثلاثة أقسام:



من كان معظما لله قبل أن يكبر يعني هو قبل ما يقول هو داخل في المود أصلًا الله أكبر عنده كل شئ يعني قبل الصلاة وهو كده فإذا كبر ازداد الأمر عنده.

- 2. يعني منهم ربنا قال مقتصر ده اللي كبر ثم استحضر عظمة الله سبحانه وتعالى وبدأ يدفع عن نفسه تعظيم أي شئ يدفع الخواطر أو الوساوس أو أي شئ .
- ق. صلاة الكذابين الله أكبر ثم كل شئ هو أكبر من الله عنده ما يذكر الله إلا قليل ثم يمر عليه كل شئ في حياته و كل شئ عنده كبير في الصلاة ما عدا الله فإياك أن تصلي صلاة الكذابين المُفترض أنك لو كبرت تكبير صحيح فإنه يُطهر قلبك من الكبر لأنك تعلم أن الله أكبر والكبر هو أخطر شئ يدمر أي عبادة لأن الكبر بالذات الله لا يقبل أن يكون العبد في قلبه مثقال ذرة منه لأن الكبر هو أول معصية عُصِيَّ الله بها فإن إبليس أكبر واستكبر و كان من الكافرين قال تعالي معصية عُصِيَّ الله بها فإن إبليس أكبر واستكبر و كان من الكافرين قال تعالي مساً صُرِفُ عَنْ آياتِيَ اللَّذِينَ يَتَكَبَّرُونَ فِي الْأَرْضِ بِغَيْرِ الحُقِّ "

فالكبر يمنعك عن فهم الصلاة والتدبر. فالله أكبر هي صرخة تحذير ودرس تنبيه ينتشلوني عن أعماق الغفلة ؛ بعد التكبير نستفتح الصلاة أدعية الإستفتاح متنوعة إحنا كلنا بنقول" سبحانك اللهم بحمدك وتبارك اسمك و تعالى جدك" ده يعني مناسب لصلاة الجماعة عشان متطولش على الناس ، أدعية الإستفتاح بتقولك في تحسين في

الدخول في نفسية الذي يثني على الله وفي نفسية الذي يدخل بمقام الذُل والإعتراف. الأثنين ينفعوا.

الدخلة الأولى هي دخلة تعظيم سبحانك اللهم بحمدك تبارك اسمك وتعالى جدك و بعد كده يدخل بقى على الصلاة

في دعاء ثاني النبي صلى الله عليه وسلم: علمنا إذا دخل الرجل في الصلاة يقول" اللهم باعد بيني وبين خطاياي كما باعدت بين المشرق والمغرب اللهم نقني من الخطايا كما تنقي الثوب الأبيض من الدنس اللهم اغسلني من الخطايا بالماء والثلج" أي دخلة المذنب.

في بقى دعاء بس جامع بين الاثنين . بس هو طويل شوية لذلك الرسول عليه الصلاة والسلام كان بيقوله في قيام الليل بقى مع نفسه هيجيب بقى أقوى دعاء جمع الثناء و الإعتراف قال عليه الصلاة و السلام :

وجهت وجهي للذي فطر السموات والأرض حنيفا مسلما وما أنا من المشركين إن صلاي و نسكي ومحياي و ممايي لله رب العالمين لا شريك له و بذلك أُمرت و أنا أول المسلمين اللهم أنت الملك لا إله إلا أنت أنت ربي و أنا عبدك ظلمت نفسي و اعترفت بذنبي فاغفر لي ذنوبي جميعا إنه لا يغفر الذنوب إلا أنت واهدني لأحسن الأخلاق لا يهدي أحسنها إلا أنت و اصرف عني سيئها لا يصرف عني سيئها إلا أنت لبيك وسعديك و الخير كله في يديك والشر ليس إليك أنا بك وإليك تباركت و تعاليت أستغفرك وأتوب إليك

خلاص بقى خش على ربنا وأقترب إنت كل ده بتحضر. ثم تقول الإستعادة لم تستعيذ بس إنت بتستحضر إن اللي انت فيه ده مش صلاة دي معركة بينك وبين الشيطان الشيطان لايوجد أبغض إليه من الصلاة فلا يوجد مقام أبغض وأشد عليه من الصلاة



فهو حريص على هزيمتك لتبوء بالخذلان لذلك يُشهد قواه الكاملة و يتأهب لكي يصرفك فلا تصلي أصلا. فإذا تغلبت عليه سرق قلبك منك والقى فيه الوساوس حتى وأنت بين يدي ربك فالله هو الذي شرع لك الإستعاذة من حبه لك.

فأنت قُول بس الإستعاذة وربنا يتولى أمره فهو يراك وأنت لا تراه وأنا أراه وهو لا يراني ؛ فلتلجأ إلى الله وتطلب منه هذا العون فأما أنت وحدك لا تقدر عليه فلجأ إليَّ أحميك منه.

إن أنت تقول يا رب لن ينجيني من إفساد الشيطان إلا أنت فأصر فه عني واصر فني عنه فتلجأ إلى الله وهو يحميك منه، وبالتالي يستطيع القلب الآن أن يذوق حلاوة الصلاة؛ لأن أنا ما أمشي الشيطان بكون خلصت نصف المشكلة النصف الثاني بقى في التدبر ودي بقى في البسملة.

فالاستعاذة تصرف عنك المانع عن التدبر والبسملة تجلب لك العون للفهم والتدبر

قال شيخ الإسلام ابن تيمية يصف حال شخص (المستعيذ بالله من الشيطان) يقول: لو أن كلب الغنم هاج عليك لا تنشغل بمحاربته ولا بمدافعته عليك بصاحبه الراعي فاستغث به فهو يصرف عنك الكلب بس كده.

و بعد ذلك سيبدأ المقام العظيم إلى الفاتحة وانت داخل الفاتحة تستشعر أمور أولا انت داخل على أعظم سورة في القرآن على الإطلاق تشعر بأن هذه السورة أعظم نعمة على الرسول صلى الله عليه وسلم: ما أنعم عليه بأعظم من هذه النعمة لذلك ربنا خصها في القرآن بالذكر قال "وَلَقَدْ آتَيْنَاكَ سَبْعًا مِّنَ المُثَانِي وَالْقُرْآنَ الْعَظِيمَ "السورة الوحيدة التي يتفاعل التي تُكرَّر في كل ركعة والتي لا يصح ركعة إلا بقرآتها.. السورة الوحيدة التي يتفاعل الله معك بنفسه فيجيبك ويرد عليك في كل آية ، فإذا قال العبد "الحُمْدُ للهَّ رَبِّ الْعَالَمِينَ





"قال الله حمدني عبدي وإذا قال العبد "الرَّحْمَنِ الرَّحِيمِ" قال الله أثنى على عبدي وإذا قال العبد "مَالِكِ يَوْمِ الدِّين" قال الله مجدني عبدي وإذا قال العبد "إِيَّاكَ نَعْبُدُ وَإِيَّاكَ نَسْتَعِينُ "قال الله هذا بيني و بين عبدي ولعبدي ما سأل وإذا قال" اهدِنَا الصِّرَاطَ المُستَقِيمَ (6) صِرَاطَ الَّذِينَ أَنعَمتَ عَلَيهِمْ غَيرِ المَعْضُوبِ عَلَيهِمْ وَلاَ الضَّالِينَ (7) "قال الله هذا لعبدي ولعبدي ما سأل.

ثم استحضر أنه يقال لك عبدي في كل مرة ولا يُقال اسمك يقول لماذا لم يُذكر لأن عبدي أفضل من اسمك هذا تشريف والذي قد ناله الرسول في كل المقامات (سبحان الذي أسرى بعبده) (تبارك الذي نزل الفرقان علي عبده) قال (إنا وجدناه صابرًا نعم العبد)

يبقى إنت أخذت اللقب ده لما قرأت سورة الفاتحة بس هنعمل إيه بقى فالفاتحة ...

جزاكم الله خيراً ؛

أشهد أن لا إله إلا الله وحده لا شريك له وأن محمداً عبده ورسوله.

لا تنسونا من صالح دعائكم

